



## Torah écrite (pentateuque) - Deutéronome

### Chapter 15

- 15,1 מקץ שבע-שנים, תעשה שמיטה.
- 15,2 וזה, דבר השמיטה--שמוט כל-בעל משה ידו, אשר ישה ברעהו: לא יגש את-רעהו ואת-אחיו, כי-קרא שמיטה ליהוה.
- 15,3 את-הבכרי, תגש; ואשר יהיה לך את-אחיך, תשמיט ידך.
- 15,4 אפס, כי לא יהיה-בך אביון: כי-ברך וברכך, יהוה, בארץ, אשר יהוה אלהיך נתן-לך ונלה לרשתה.
- 15,5 רק אם-שמוע תשמע, בקול יהוה אלהיך, לשמר לעשות את-כל-המצוה הזאת, אשר אנכי מצוה היום.
- 15,6 כי-יהוה אלהיך ברכך, באשר דבר-לך; והעבטת גוים רבים, ואתה לא תעבט, ומשלת בגוים רבים, ובך לא ימשלו. {ס}
- 15,7 כי-יהיה בך אביון מאחד אחיך, באחד שעריך, בארצך, אשר יהוה אלהיך נתן לך--לא תאמץ את-לבבך, ולא תקפץ את-ידך, מאחיך, האביון.
- 15,8 כי-פתח תפתח את-ידך, לו; והעבט, תעביטנו, די מחסרו, אשר יחסר לו.
- 15,9 השמר לך פן-יהיה דבר עם-לבבך בליעל לאמר, קרבה שנת-השבע שנת השמיטה, ורעה עינך באחיך האביון, ולא תתן לו; וקרא עליך אל-יהוה, והיה בך חטא.
- 15,10 נתון תתן לו, ולא-יבוע לבבך בתתן לו: כי בגלל הדבר הזה, וברכך יהוה אלהיך, בכל-מעשך, ובכל משלח ידך.
- 15,11 כי לא-יחדל אביון, מקרב הארץ; על-כן אנכי מצוה, לאמר, פתח תפתח את-ידך לאחיך לענין ולאביון, בארצך. {ס}
- 15,12 כי-ימכר לך אחיך העברי, או העבדיה--ועבדך, שש שנים; ובשנה, השביעת, תשלחנו חפשי, מעמך.
- 15,13 וכי-תשלחנו חפשי, מעמך--לא תשלחנו, ריקם.
- 15,14 העניק תעניק, לו, מצאנך, ומגרונך ומיקרבך: אשר ברכך יהוה אלהיך, תתן-לו.
- 15,15 וזכרת, כי עבד היית בארץ מצרים, ויפדך, יהוה אלהיך; על-כן אנכי מצוה, את-הדבר הזה--היום.
- 15,16 והיה כי-יאמר אליך, לא אצא מעמך: כי אהבך ואת-ביתך, כי טוב לו עמך.
- 15,17 ולקחת את-המרצע, ונתתה באזנו ובדלת, והיה לך, עבד עולם; ואף לאמתך, תעשה-כן.
- 15,18 לא יקשה בעיניך, בשלחך אתו חפשי מעמך--כי משנה שכר שכיר, עבדך שש שנים; ובברך יהוה אלהיך, בכל אשר תעשה. {פ}
- 15,19 כל-הבכור אשר יולד בבקרך ובצאנך, הזכר--תקדיש, ליהוה אלהיך: לא תעבד בבכר שורך, ולא תגז בכור צאנך.
- 15,20 לפני יהוה אלהיך תאכלנו שנה בשנה, במקום אשר יבחר יהוה--אתה, וביתך.
- 15,21 וכי-יהיה בו מום, פסח או עור, כל, מום רע--לא תזבחנו, ליהוה אלהיך.
- 15,22 בשעריך, תאכלנו--הטמא והטהור יחדו, כצבי וכאיל.
- 15,23 רק את-דמו, לא תאכל: על-הארץ תשפכו, כמים. {פ}